

2011-mi aningaasanut inatsisissatut siunnersuut

pillugu

Inatsisartut Aningaasaqarnermut Ataatsimiititaliaata

ILASSUTITUT ISUMALIUTISSIISUTAA

Inatsisissatut siunnersuutip pingajussaaneerpeqarnerani saqqummiunneqartoq

Aningaasaqarnermut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Naaja Nathanielsen (Inuit Ataqtigiit), siulittaasq

Inatsisartunut ilaasortaq Niels Thomsen (Demokraatit), siulittaasup tullia

Inatsisartunut ilaasortaq Per Berthelsen (Siumut)

Inatsisartunut ilaasortaq Aqqaluaq Egede (Inuit Ataqtigiit)

Inatsisartunut ilaasortaq Finn Karlsen (Atassut)

Inatsisartunut ilaasortaq Olga P. Berthelsen, sinniisoq (Inuit Ataqtigiit)

Imarisaanut nalunaarsuut:

1. Aallaqqaasiut	3
2. Aningaasaqarnermut Ataatsimiititaliap apeqqutai/oqaaseqaatai aalajangersimasut – suliaasaqarfinit agguataarlugit	3
2.1 Suliassaqaarfik 20-24 Aningaasaqarnermut Naalakkersuisoq	3
2.2 Suliassaqaarfik 30 Isumaginninnermut Naalakkersuisoq	4
2.3 Suliassaqaarfik 80-89 Ineqarnermut, Attaveqarnermut Angallanermullu Naalakkersuisoq.....	4
3. Aningaasaliissutinit allannguutissatut siunnersuutit	5
3.1 Sammisqaq 13 – Pingajussaaneerinissamut teknikkikkut allannguutit.....	6
3.2 Sammisqaq 14 – Pingajussaaneerinissamut missingersuutinit sunniteqanngitsumik allannguutit.	6
3.3 Sammisqaq 15 – Pingajussaaneerinissamut ingerlatsinermit sipaarutit	7
3.4 Sammisqaq 16 – Innarluutilinni sullissinerup kommuninut nuunneqarnissaa	7
3.5 Sammisqaq 17 – Kommuninut ataatsimoortumik tapiissutit pillugit isumaqatigiissut.....	8
3.6 Sammisqaq 18 – Københavnimi peqqissartut illuat nutaaq.....	8
3.7 Sammisqaq 19 – Akileraartarnermit akitsuusiisarnermilu isertitaqarnerulernissamut sillimmatit	8
3.8 Sammisqaq 20 – Pingajussaaneerinissamut aningaasartuuteqarnerunissamik kissaatit	9
3.9 Sammisqaq 21 – Isertitat allat.....	9
3.10 Sammisqaq 22 – Pingajussaaneerinissamut sanaartornermi nussuineq	10
3.11 Sammisqaq 23 – Konto pingaarnernik katitsineq – Inuussutissarsiornermut Suliffeqarnermullu Naalakkersuisoqarfik	11
3.12 Sammisqaq 24 – Suleriaaseq pillugu Ataatsimiititaliamit allannguutissatut siunnersuutit.....	11
3.13 Sammisqaq 25 – Aningaasaqarnermut Ataatsimiititaliamit allannguutissatut siunnersuutit ..	12
4. Oqaasertaliussanut allannguutissatut siunnersuutit.....	12
4.1 Naalakkersuisut oqaasertaliussanut allannguutissatut siunnersuutaat.....	12
5. Aningaasaqarnermut Ataatsimiititaliap kaammattuutai	13
6. Allannguutissatut siunnersuutit aningaasatigut kingunissaat	13
7. Aningaasaqarnermut Ataatsimiititaliamit inassuteqaatit.....	13

Ilanngussanut takussutissiaq:

(Aappassaaneerinermut ataatsimiititaliap isumaliutissiissutaanit nangitaq)

- K. 2011-mi aningaasanut inatsisissatut siunnersuummi isumaginninnermut tunngasut pillugit Ilaqutariinnermut Ataatsimiititaliap Naalakkersuisumik apersuinerani Naalakkersuisup oqaasiisa allattorsimaffiat.
- L. Naalakkersuisut aningaasaliissutinit allannguutissatut siunnersuutaat nutaat (Allannguutissatut siunnersuutit nr. 211-mit 254-mut)
- M. Naalakkersuisut oqaasertaliussanut allannguutissatut siunnersuutaat nutaat (Allannguutissatut siunnersuutit nr. 255-mit 270-mut)
- N. Suleriaaseq pillugu Ataatsimiititaliap allannguutissatut siunnersuutaanut missingersuutinit ilanngussat (Allannguutissatut siunnersuutit nr. 271-mit 273-mut)
- O. Aningaasaqarnermut Ataatsimiititaliap allannguutissatut siunnersuutaanut missingersuutinit ilanngussaq (Allannguutissatut siunnersuut nr. 274)
- P. Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisup 12. november 2010-mi allagaa

1. Aallaqqaasiut

Aningaasanut inatsisissatut siunnersuut Inatsisartunit ataasinngornermi ulloq 8. november 2010-mi aappassaaneerqarpoq. Siunnersuummik aappassaaneerinermi siunnersuut Aningaasaqarnermut Ataatsimiititaliamit sulereqqitassanngorlugu innersuunneqarpoq.

Aningaasanut inatsisissatut siunnersuummik Inatsisartut aappassaaneerinerat tunngavigalugu allannguutissatut siunnersuutitik allanik 59-inik Naalakkersuisut pingasunngornermi ulloq 10. november 2010-mi nassiussipput.

Tamatuma saniatigut Naalakkersuisut allannguutissatut siunnersuummik allamik ataatsimik sisamannngornermi ulloq 11. november 2010-mi nassiussipput.

Aammalu Inatsisartut Suleriaaseq pillugu Ataatsimiititaliaat suliassaqaarfik 01 pillugu allannguutissatut siunnersuutitik pingasunik sisamannngornermi ulloq 11. november 2010-mi saqqummiussivoq.

Kiisalu Aningaasaqarnermut Ataatsimiititaliaq isumaliutissiissummi allannguutissatut siunnersuummik ataatsimik saqqummiussivoq.

Tamanna tunngavigalugu aningaasanut inatsisissatut siunnersuutip Inatsisartunit pingajussaaneer-neqarnissaanut Aningaasaqarnermut Ataatsimiititaliaq matumuuna isumaliutissiissuteqarpoq.

2. Aningaasaqarnermut Ataatsimiititaliap apeqqutai/oqaaseqaatai aalajangersimasut – suliassaqaarfinnut agguataarlugit

2.1 Suliassaqaarfik 20-24 Aningaasaqarnermut Naalakkersuisoq

Allannguutissatut siunnersuut nr. 248 pillugu Aningaasaqarnermut Ataatsimiititaliaq tallimannngornermi ulloq 12. november Aningaasaqarnermut Naalakkersuisumik apersuisoq.

Pigisanik tunisinikkut 2011-mi 65 mio. kr.-inik aammalu 2012-imi aamma 2013-imi 20 mio. kr.-inik isertitaqarnissaq Naalakkersuisut missingersuutigigaat allannguutissatut siunnersuummi allasimavoq. Tamanna assut ersernerluttutut ataatsimiititaliamit isigineqarpoq, taamaattumillu aningaasaliinermi tunngaviit itisileqqullugit Naalakkersuisunut ilaasorta qinnuigaa.

Aktiaateqarluni ingerlatseqatigiiffimmik tunisinermit isertat 25 mio. kr.-it 65 mio. kr.-inut ilaatigut ilaasut ataatsimiititaliamit apersorneqarnermini Naalakkersuisunut ilaasortap paasissutissiissutigaa. Aktiaateqarlunili ingelatseqatigiiffiit pillugit inatsimmi nipangiussinissamik piumasaaqat aammalu isumaqatigiinniarnert tunngavigalugit tunisineq taanna pillugu erseqqinnerusumik paasissutissiisoqarsinnaanngilaq. Aningaasat sinneruttut 40 mio. kr.-it attartortumit piginnittumut aqqqissuussineq pillugu suliniutit annertusarnerisigut inissianik allannngortitsinikkut isertitaqarnerussutissatut naatsorsuutigineqarput.

Aktiaateqarluni ingerlatseqatigiiffiit pisortanit pigineqartut amerlanerit namminersortunngorsarneqarnissaat ataatsimut isigalugu ataatsimiititaliamit tapersorneqarpoq. Allannguutissatulli siunnersuummut tunngatillugu ataatsimiititaliaq marlunnut avippoq.

Allannguutissatut siunnersuut pillugu ataatsimiititaliap inassuteqaatai ilassutitut isumaliutissiissummi immikkoortoq 3.9-mi allasimapput taannalu innersuussutigineqarpoq.

2.2 Suliassaqarfik 30 Isumaginninnermut Naalakkersuisoq

2011-mi aningaasanut inatsisissatut siunnersuummi isumaginninnermut tunngasut pillugit Ilaquta-riinnermut Ataatsimiititaliaq Naalakkersuisumik ulloq 8. november apersuivoq. Oqaasissat allattor-simaffiata assilineranik Aningaasaqarnermut Ataatsimiititaliaq tigusaqarpoq, taannalu ilanngussaq K-tut ilanngunneqarpoq.

2.3 Suliassaqarfik 80-89 Ineqarnermut, Attaveqarnermut Angallannermullu Naalakkersuisoq

Allaffeqarfimmik nutaamik sanaartorneq

Aningaasanut inatsisissatut siunnersuutip aappassaaneerpeqarneranut Aningaasaqarnermut Ataatsi-miititaliap isumaliutissiissutaani immikkoortoq 2.10-mi allassimasutut ataatsimiititaliaq ulloq 19. oktober 2010-mi Naalakkersuisunut ilaasortamik apersuivoq. Sanaartugassap aallartinneqarnissaa-nut aningaasanik immikkoortitsisoqarnissaanik ataatsimiititaliap akuersinerata kingorna allaffeqar-fissuarmut aningaasaliinermi tunngavigineqartut allannorsimanersut erseqqinnerusumik paasissu-tissiissutigineqassasoq ataatsimiititaliap apersuinermini qinnutigaa. Tamanna pillugu paasissutissat erseqqinnerusut ataatsimiititaliamut nassiunneqassasut Naalakkersuisunut ilaasortap apersorneqar-nermini neriorsuutigaa. Tamannali pisimanngilaq. Tamanna **naammaginangilluinnartutut** ataatsi-miititaliamit isigineqarpoq, taamaattumillu paasissutissat taakku kissaatigineqartut kinguarsaana-raqanngitsumik nassiunneqassasut piumasaraa.

Konto pingaarneq 84.40.15 Ilinniartut inaannik sanaartorneq

Aningaasanut inatsisissatut siunnersuutip aappassaaneerpeqarneranut Aningaasaqarnermut Ataatsi-miititaliap isumaliutissiissutaani immikkoortoq 2.10-mi allassimasutut ataatsimiititaliaq ulloq 21. oktober 2010-mi Kultureqarnermut, Ilinniartitaanermut, Ilisimatusarnermut Ilageeqarnermullu Naa-lakkersuisumik apersuivoq. Nunatsinni ilinniartut inaasa amerlassusiannut takussutissiaq ataatsimii-titaliamut siusinnerusukkat nassiunneqartoq kukkuneqartoq ataatsimiititaliap Naalakkersuisumik apersuinerani paasineqarpoq. Taamaattumillu takussutissiaq iluarsisaq nassiunneqassasoq Naalak-kersuisup neriorsuutigaa.

Tamatuma kingorna ukiuni qaninnerni nunatsinni ilinniartut inaasa amerlassuserisassaattut naatsor-suutigisat pillugit takussutissiaq matuma kingulianiittoq ataatsimiititaliamit tigunneqarpoq:

“21. oktober 2010-mi isumasioqatigiinnermut nangitsissutitut matumuuna Nuummi i-linniartunut ineqarfinni ineriartortitsinissamik naatsorsuutaasumut kisitsisit nutartik-kat malinnaatinneqarput.

<i>Illoqarfik \ukioq</i>	<i>2009</i>	<i>2010</i>	<i>2011</i>	<i>2012</i>	<i>2013</i>
<i>Nuuk</i>	478	491	599	624	624
<i>Sisimiut</i>	322	386	404	404	404
<i>Qaqortoq</i>	226	226	226	226	226
<i>Aasiaat</i>	207	207	207	207	207
<i>Ilullisat</i>	142	142	200	200	200
<i>Narsaq</i>	78	110	110	110	110
<i>Maniitsoq</i>	70	70	70	70	70
<i>Paamiut</i>	59	59	59	59	59

<i>Illoqarfiiit allat</i>	<i>151</i>	<i>172</i>	<i>172</i>	<i>172</i>	<i>172</i>
<i>Katillugit</i>	<i>1733</i>	<i>1863</i>	<i>2047</i>	<i>2072</i>	<i>2072</i>

2011-p aallartinnerani inuusuttunut ilinniartunut ineqarfinni init 42-t aallaavittut ilinniartunut praktikertunut atugassaasut atulernissaat naatsorsuutigineqarpoq. Taamatutaaq 2011-p aallartinnerani Kujallerpaani init 66-it tunniunneqarlutillu atulerneqarnissaat naatsorsuutigineqarpoq.

2012-imi blok P isaterneqassaaq taamaalillunilu ilinniartunut ineqarfinni init 50-it atorunnaassallutik. Hotel Grønlandip ilinniartunut ineqarfittut atugassanngorlugu 2012-imi tunniunneqarnissaa naatsorsuutigineqarpoq, tassani init 45-t pilersinneqasapput. Taamatutaaq Peqqinnissaqarfiup init ullumikkut Hotel Nuummi atukkatik 2012-imi tunniutissavai tamatumuunalu init 30-t pissarsiarineqassallutik.

Kisitsisit saniatigut tabelimi qulaaniittumi illoqarfinni amerlanerpaani INI-p inissiaataani attartortoqarpoq. Nuummi maanna taamatut 41-nik attartortoqarpoq, ilinniartunut inooqatilinnut/aappalinnut arlalinnillu meeralinnut atorneqarnerusunik.”

Ataatsimiititaliap aappasaaneerinermit isumaliutissiissutaani ilanngussaq B-mi Aningaasaqarnermut Ataatsimiititaliap apeqqutaanut 15.7-imut Naalakkersuisut akissut innersuussutigineqarpoq. Tamatuma saniatigut ilanngussaq P innersuussutigineqarpoq.

3. Aningaasaliissutinut allannguutissatut siunnersuutit

Aningaasanut inatsisissatut siunnersuummut allannguutissatut siunnersuutininik nutaanik 60-inik Naalakkersuisut saqqummiussipput. Taakkunanga 16 oqaasertaliussanut allannguutissatut siunnersuutaallutik. Tamatuma saniatigut Suleriaaseq pillugu Ataatsimiititaliaq allannguutissatut siunnersuutininik pingasunik saqqummiussivoq. Aningaasaqarnermut Ataatsimiititaliaq allannguutissatut siunnersuummik ataatsimik saqqummiussivoq.

Aningaasaliissutinut allannguutissatut siunnersuutit sammisanut ukununnga immikkoortinneqarsimapput:

Sammissaq 13 Pingajussaaneerinissamut teknikkikkut allannguutit: allannguutissatut siunnersuutit arfineq marluk

Sammissaq 14 Pingajussaaneerinissamut missingersuutinut sunniuteqanngitsumik allannguutit: allannguutissatut siunnersuutit arfinillit

Sammissaq 15 Pingajussaaneerinissamut ingerlatsinermit sipaarutit: allannguutissatut siunnersuutit marluk

Sammissaq 16 Innarluutilinni sullissinerup kommuninut nuunneqarnissaa: allannguutissatut siunnersuutit arfinillit

Sammissaq 17 Kommuninut ataatsimoortumik tapiissutit pillugit isumaqatigiissut: allannguutissatut siunnersuutit pingasut

Sammissaq 18 Københavni peqqissartut illuat nutaaq: allannguutissatut siunnersuutit marluk

Sammissaq 19 Akileraartarnermit akitsuusiisarnermilu isertitaqarnerulernissamut sillimmatit: allannguutissatut siunnersuutit tallimat

Sammissaq 20 Pingajussaaneerinissamut aningaasartuuteqarnerunissamik kissaatit: allannguutissatut siunnersuutit arfinillit

Sammissaq 21 Isertitat allat: allannguutissatut siunnersuut ataaseq

Sammissaq 22 Pingajussaaneerinissamut sanaartormermi nussuineq: allannguutissatut siunnersuutit marluk

Sammissaq 23 Konto pingaarnernik katitsineq – Inuussutissarsiormermut Suliffeqarnermullu Naalakkersuisoqarfik: allannguutissatut siunnersuutit sisamat

Sammissaq 24 Suleriaaseq pillugu Ataatsimiititaliamit allannguutissatut siunnersuutit: allannguutissatut siunnersuutit pingasut

Sammissaq 25 Aningaasaqarnermut Ataatsimiititaliamit allannguutissatut siunnersuutit: allannguutissatut siunnersuut ataaseq

Naalakkersuisut aningaasaliissutinut allannguutissatut siunnersuutaat nr. 211-imit nr. 254-imit normoqarput. Naalakkersuisut oqaasertaliussanut allannguutissatut siunnersuutaat nr. 255-imit nr. 270-imit normoqarput.

Suleriaaseq pillugu Ataatsimiititaliap allannguutissatut siunnersuutai 271-imit 273-mut normoqarput.

Aningaasaqarnermut Ataatsimiititaliap allannguutissatut siunnersuutaa 274-imit normoqarpoq.

Aningaasaliissutit pineqartillugit allannguutissatut siunnersuutit ataasiakkaat normui aningaasaliissutinut takussutissiami allasimapput; *ilanngussaq 1*. Aningaasaliissutinut takussutissiat Naalakkersuisut allannguutissatut siunnersuutaannut saarlinnorlugit ilanngunneqarput, taakkulu ilassutitut isumaliutissiisummut ilanngussaq L-tut ilanngunneqarlutik.

Oqaasertaliussanut tunngatillugu normuliunneqartoq oqaasertaliussat siornagut allanneqarpoq. Oqaasertaliussat *ilanngussaq 2*-mik taaguuserneqarput. Taakku ilassutitut isumaliutissiisummut ilanngussaq M-tut ilanngunneqarput.

3.1 Sammissaq 13 – Pingajussaaneerinissamut teknikkikkut allannguutit

Qulequttami tassani allannguutissatut siunnersuutinik arfineq marlunnik Naalakkersuisut saqqummiussipput. Allannguutissatut siunnersuutit taakku ataatsimut isigalugu missingersuutinut sunniuteqassanngillat.

Matumani pineqartut tassaanerupput allannguutit annikitsut, soorlu suliassami kisitsisini kukkuner-nik iluarsinerit.

Sammissaq 13-ip ataani allannguutissatut siunnersuutit nr. 211-imit 217-imit **akuerineqassasut** Aningaasaqarnermut Ataatsimiititaliamit **inassutigineqarpoq**.

3.2 Sammissaq 14 – Pingajussaaneerinissamut missingersuutinut sunniuteqanngitsumik allannguutit.

Qulequttami tassani allannguutissatut siunnersuutinik arfinilinnik Naalakkersuisut saqqummiussipput. Allannguutissatut siunnersuutit taakku ataatsimut isigalugu missingersuutinut sunniuteqassanngillat.

Pineqartut tassaanerupput kontot pingaarnerit akornanni aningaasaliissutitut siunertanik assigisaan-
nillu nuussinerit pissutigalugit allannguutit annikitsut.

Sammissaq 14-ip ataani allannguutissatut siunnersuutit nr. 218-imit 223-mut **akuerineqassasut** A-
ningaasaqarnermut Ataatsimiititaliamit **inassutigineqarpoq**.

3.3 Sammissaq 15 – Pingajussaaneerinissamut ingerlatsinermi sipaarutit

Qulequttami tassani allannguutissatut siunnersuutit marlunnik Naalakkersuisut saqqummiussip-
put. Allannguutissatut siunnersuutit taakku IST-p inerneranut ukiumut 6 mio. kr.-inik pitsanngoriaa-
taapput.

Minnerunngitsumik Kultureqarnermut, Ilinniartitaanermut, Ilisimatusarnermut Ilageeqarnermullu
Naalakkersuisoqarfimmi allaffissornikkut sipaaruteqartoqarpoq.

Sammissaq 15-ip ataani allannguutissatut siunnersuutit nr. 224-imit 225-mut **akuerineqassasut** A-
ningaasaqarnermut Ataatsimiititaliamit **inassutigineqarpoq**.

3.4 Sammissaq 16 – Innarluutilinni sullissinerup kommuninut nuunneqarnissaa

Qulequttami tassani allannguutissatut siunnersuutit arfinilinnik Naalakkersuisut saqqummiussip-
put. Allannguutissatut siunnersuutit taakku ataatsimut isigalugu missingersuutitut sunniuteqassan-
ngillat.

Innarluutilinnut tunngasut kommuninut nuunneqarnerisa kingunerisaannik aningaasaliissutitigut
allannguutit pisariaqartut allannguutissatut siunnersuutikkut piviusunngortinneqarput.

Konto pingarneq 30.01.01 Isumaginninnermut Naalakkersuisoqarfik

Kotomut pingarnermut oqaasertaliussamik ilanngussinissaq siunnersuutigineqarmat ima oqaaser-
talimmik missingersuutitut ilanngussap aallartinnerani ilanngussisoqassaaq: ”Kontomi pingarner-
mi matumani oqaasertaliussaqaqarpoq”. Tamatuma aningaasanut inatsisip ataatsimoortunngortinne-
qarnerani pinissaanut akuersinini Aningaasaqarnermut Ataatsimiititaliap matumuuna oqaatigaa.

Konto pingarneq 30.01.04 Namminersorlutik Oqartussat illuutaannik aserfallatsaaliuineq

Suliassaqaqarfiup kommuninut nuunneqarnerata kingorna innarluutilinnut tunngasuni illuutit aser-
fallatsaaliinerup kommuninit naapertuuttumik ingerlanneqarnissaa qulakkeerneqarsimanersoq siun-
nersuummik suliarinninnermini isumaliutigissallugu ataatsimiititaliap pissutissaqartissimavaa. A-
taatsimiititaliilli paasivaa periuseq meeqqanut inuusuttunullu angerlarsimaffinnut atuuttoq matu-
mani aamma atuutsinneqalersaartoq. Taamaalillunilu illuutit taakku qanoq innerannik nalilersuineq
ingerlanneqarsimasoq oqaatigineqarpoq. Ilisimasat malillugit aserfallatsaaliinnermut aningaasat al-
lannguutissatut siunnersuut nr. 231 naapertorlugu kontomi pingarnermi 30.13.41-mi siunertamut
immikkoortinneqartut agguataarnerini atorneqarnerannilu nalunaarusiat taakku aallaavigineqassap-
put. Aningaasat aserfallatsaaliinnermut atorneqanngippata ukiuni tulliuttuni aserfallatsaaliuinnermut
atugassanngorlugit uninngasuutigineqassapput.

Sammissaq 16-ip ataani allannguutissatut siunnersuutit nr. 226-imit 231-mut **akuerineqassasut** A-
ningaasaqarnermut Ataatsimiititaliamit **inassutigineqarpoq**.

3.5 Sammisag 17 – Kommuninut ataatsimoortumik tapiissutit pillugit isumaqatigiissut

Qulequttami tassani allannguutissatut siunnersuutini pingasunik Naalakkersuisut saqqummiussipput. Allannguutissatut siunnersuutit taakku ataatsimut isigalugu missingersuutininut sunniuteqassanngillat.

Ataatsimoortumik tapiissutit pillugit kommuninut isumaqatigiissut nutaaq missingersuutininut ilanngussat aqutugalugit piviusunngortinneqarpoq.

Sammisag 17-ip ataani allannguutissatut siunnersuutit nr. 232-imit 234-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.6 Sammisag 18 – Københavnimi peqqissartut illuat nutaaq

Qulequttami tassani allannguutissatut siunnersuutiniq marlunnik Naalakkersuisut saqqummiussipput. Allannguutissatut siunnersuutit taakku IST-p ataatsimut inerneranut 2012-imi 10,7 mio. kr.-inik pitsanngoriaataapput tamatumalu kingorna ukiut tamaasa 6,3 mio. kr.-inik ajorseriaataassapput.

Sammisag 18-ip ataani allannguutissatut siunnersuutit nr. 235-mit 236-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.7 Sammisag 19 – Akileraartarnermit akitsuusiisarnermilu isertitaqarnerulernissamut sillimmatit

Qulequttami tassani allannguutissatut siunnersuutiniq tallimanik Naalakkersuisut saqqummiussipput. Allannguutissatut siunnersuutit taakku IST-p ataatsimut inerneranut 2011-mi 26,4 mio. kr.-inik ajorseriaataassapput tamatumalu kingorna ukiut tamaasa 33,6 mio. kr.-inik pitsanngoriaataassallutik.

Allannguutissatut siunnersuutit aqutugalugit kontomi pingaarnermi 24.13.50-mi akileraartarnermi isertitaqarnerulernissamut sillimmatini immikkoortitat atugassiissutigineqarput. Tamanna nukisuuutigut akisuutit pillugit siunnersuummik Inatsisartut akuersissutiginninnerisa nassataraat. Akit-suutit siunnersuutaaqqaartumit appasinnerusut akuersissutigineqarmata aningaasanut inatsisissatut siunnersuutit saqqummiunneqarnerani isertitassatut naatsorsuutaaqqaartutut annertutigisumik nunatta karsia isertitaqassanngilaq. Tamanna tunngavigalugu isertitassatut immikkoortitat 2011-mi 0-inngorlugit appartinneqarnissaat Naalakkersuisut siunnersuutigaat, taamaalillunilu IST-mi inernerussatut missingersuutigineqartoq 2011-mi 26,4 mio. kr.-inik ajorseriassalluni. Tamatumali peqatigisaanik 2012 aallarnerfigalugu isertitassatut immikkoortitat nutaat ukiumut 33,6 mio. kr.-it siunnersuutigineqarput, taamaalillunilu IST-p inernerisassaa 2012 aallarnerfigalugu ukiut tamaasa aningaasat taakku amerlaqataannik pitsanngoriarinneqarluni.

Akitsuutit nutaat kingunerisaannik suliffeqarfimmut ingerlatsinermut tapiissutit 2,0 mio. kr.-iinnarnik ikilineqartut eqqarsaatigigaanni Nukissiorfik ukiumut 2,4 mio. kr.-inik sooq taarsiissuteqarfigineqarnersoq akissuteqaammi nassuiaatigeqqullugu Naalakkersuisut ataatsimiititaliamit qinuigineqarput.

Sammisag 19-ip ataani allannguutissatut siunnersuutit nr. 237-mit 241-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.8 Sammisag 20 – Pingajussaaneerinissamut aningaasartuuteqarnerunissamik kissaatit

Qulequttami tassani allannguutissatut siunnersuutit arfinilinnik Naalakkersuisut saqqummiussipput. Allannguutissatut siunnersuutit taakku IST-p ataatsimut inerneranut 2011-mi 14,4 mio. kr.-inik tamatumalu kingorna ukiut tamaasa 12,5 mio. kr.-inik ajorseriaataassapput.

Allannguutissatut siunnersuutit taakku aqquutigalugit sipaarutissat arlallit aningaasanut inatsisissatut siunnersuummut ilanngullugit missingersuutigineqartut atorunnaarsinneqarput. Aningaasartuutaane-russutissat taakku inissaqartinneqartariaqarnerat Naalakkersuisut paasisimammasuk ataatsimiititaliap iluarinartippaa. Tamatumali peqatigisaanik sipaarutissat aningaasanut inatsisissatut siunnersuummi ukiunut missingersuusiortifiusunut ilanngunneqareersut piffissanngoraangat piviusunngor-tinneqartanninnissaat ileqqulionneqassanngimmat ataatsimiititaliatut akisussaassuseqartutut ataatsimiititaliap piumasarisariaqarpaa. Taamaallillunilu aningaasanut inatsimmi piviusorsiortumik missingersuusiortarnissaq aalajangiisuulluinnartumik pingaaruteqarpoq, taamaattumillu tunngavik taanna pingaarutilik tamanit tapersorneqartariaqarpoq.

Konto pingameq 87.73.20 Mittarfiit aqqjissuussaaneerannik annertusaaneq

Qaqortumi mittarfiliornissaq pillugu misissueqqaarnissamut 1,3 mio. kr.-inik immikkoortitsinissaq Naalakkersuisut siunnersuutigaat. Aningaasanut inatsisissatut siunnersuutit aappassaaneerneqarneranut allannguutissatut siunnersuutit nr. 101-ip allannguutissatut siunnersuut taanna assigaa. Allannguutissatulli siunnersuut taanna aappassaaneerinermi suliarineqanngilaq, tamatumalu kingorna tunuartinneqariarluni nr. 247-p ataani saqqummiuteqqinneqarpoq. Allannguutissatulli siunnersuummut nr. 247-mut Aningaasaqarnermut Ataatsimiititaliaq allannguutissatut siunnersuummik (nr. 274) saqqummiussivoq. Ilassutitut isumaliutissiisummi immikkoortoq 3.13 innersuussutigineqarpoq.

(Allannguutissatut siunnersuut nr. 247)

Sammisag 20-p ataani allannguutissatut siunnersuutit nr. 242-mit 246-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Aningaasaqarnermut Ataatsimiititaliap allannguutissatut siunnersuutaa nr. 274 **akuerineqassasooq** Aningaasaqarnermut Ataatsimiititaliamit **inassutigineqarpoq**. Tamatuma kingorna allannguutissatut siunnersuutit akuersissutigineqarnerata kingorna iluserilikkamisut iluseqarluni allannguutissatut siunnersuut nr. 247 **akuerineqassasooq** ataatsimiititaliamit inassutigineqarpoq.

3.9 Sammisag 21 – Isertitat allat

Qulequttami tassani allannguutissatut siunnersuummik ataatsimik Naalakkersuisut saqqummiussipput. Allannguutissatut siunnersuut taanna IST-p inerneranut 2011-mi 65,0 mio. kr.-inik aammalu 2012-imi 2013-imi 20 mio. kr.-inik pitsanngoriaataassaaq.

Ilassutitut isumaliutissiisummi immikkoortoq 2.1 naapertorlugu isertitassatut missingikkat taakku pillugit erseqqinnerusumik paasisutissinneqarnissaq Naalakkersuisumik apersuinermini ataatsimiititaliap qinnutigaa, taamaattumillu immikkoortoq taanna innersuussutigineqarpoq.

Sammisag 21-p ataani allannguutissatut siunnersuut nr. 248 akuerineqassasooq Aningaasaqarnermut Ataatsimiititaliamit amerlanerussuteqartut Inuit Ataqtigiinneersut Demokraatineersullu **inassutigaaq**. Aktiaateqarluni ingerlatseqatigiiffiit pisortanik pigineqartut ilaannik Naalakkersuisut piviusumik namminersortunngorsaaniarnerat amerlanerussuteqartut taamaallit pitsaasutut isigaaq. Tamatuma saniatigut aktiaateqarluni ingerlatseqatigiiffiit pillugit inatsimmi aalajangersakkat inner-

suussutigalugu tunisinissaq pineqartoq pillugu Naalakkersuisunut ilaasortap ataatsimiititaliamit apersorneqarluni erseqqinnerusumik paasissutissiisinnaannginnera amerlanerussuteqartut tusaatissatut tiguaat. Kiisalu attartortumit piginnittumut aqqissuussineq pillugu suliniutit annertusarnerisigut amerlanerit nammineq pigisaminnik ineqalernissaminnut periarfissaqalernissaat Naalakkersuisunit siuarsarniarneqarmat amerlanerussuteqartut pitsaasutut isigaat. Tamanna tunngavigalugu allannguutissatut siunnersuut akuerineqarsinnaavoq.

Sammissaq 21-p ataani allannguutissatut siunnersuut nr. 248 itigartinneqassasoq Aningaasaqarnermut Ataatsimiititaliami ikinnerussuteqartut Siumumeersut **inassutigaa**. Ataatsimiititaliamit apersorneqarluni Naalakkersuisup nassuiaatai amigartutut ikinnerussuteqartunit isigineqarput. Aktiaateqarluni ingerlatseqatigiiffiit pisortanit pigineqartut namminersortunit annertunerusumik pigineqarnissaat tunngaviumik ikinnerussuteqartunit tapersersorneqarpoq, tamatumali peqatigisaanik isumaqarlutik suliffeqarfimmik tunisinermit isertitassat siumoortumik akuersissutigineqarnissaannut naammattumik qularnaakkamik tunngavissaqanngitsoq. Tamatuma saniatigut ikinnerussuteqartunit oqaatigineqassaaq attartortumit piginnittumut aqqissuussineq arriitsumik ingerlasimammat aammalu aqqissuussinerup 2011-mi tamatumalu kingorna ukiuni marlunni ukiumut 20 mio. kr.-inik isertitaqaataanissaa sooq maanna piviusorsiorlutut isigineqalersimanersoq apersorneqarnermini Naalakkersuisunut ilaasortap erseqqinnerusumik nassuiarsinnaanngilaa. Aningaasarliorneq suli qaangiutinngilaq taamatullu annertutigisumik isertitaqarnissaq missingersuutigissallugu piviusorsiorsorinannilaq. Tamatuma saniatigut kontomi pingaarnermi 72.06.51-imi, Inissianik tunisinermit isertitassatut naatsorsuutigineqartut 13,7 mio. kr.-iinnaasut. Suliassami kisitsisit naapertorlugit tamatumani pineqarput inissiat katillugit 65-it. Pisortat inissiaataat amerlanerungaartut sooq tunineqarsinnaalersutut isigineqaleriataarsimanersut erseqqarlulluinnartutut isigineqarpoq. Taamaallutik tunngavissat taama amigartigisut tunngavigalugit kontomi pingaarnermi isertitassatut missingikkat 200 % sinnerlugu qaffariartinneqarnerat ikinnerussuteqartunit peqataaffigineqarsinnaanngilaq.

Aningaasanut inatsimmi piviusorsiorlutik missingersuusiortarnissap erseqqissaatiginissaanut ataatsimiititaliaq isumaqatigiittoq tunngavissaqarsoraq. Taamaattumillu isertitassatut missingikkat erseqqinnerusumik misissornissaat naliliiffiginissaallu siunertaralugu suliaq una ataatsimiititaliap 2011-ip ingerlanerani uterfigilersaarpa.

3.10 Sammissaq 22 – Pingajussaaneerinissamut sanaartornermi nussuineq

Qulequttami tassani allannguutissatut siunnersuutit marlunnik Naalakkersuisut saqqummiussipput. Allannguutissatut siunnersuutit taakku IST-p ataatsimut inerneranut 2011-mi 36.750.000 kr.-inik pitsanngoriaataassapput aammalu 2012-imi 13,0 mio. kr.-inik 2013-imilu 23,8 mio. kr. ajorse-riataassallutik.

Suliassani aalajangersimasuni aningaasanik atuinissamik naleqqussaaneq tamatumani pineqarpoq.

Sammissaq 22-p ataani allannguutissatut siunnersuutit nr. 249-mit 250-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.11 Sammisag 23 – Konto pingaarnernik katitsineq – Inuussutissarsionnermut Suliffeqarnermullu Naalakkersuisoqarfik

Qulequttami tassani allannguutissatut siunnersuutinik sisamanik Naalakkersuisut saqqummiussipput. Allannguutissatut siunnersuutit taakku ataatsimut isigalugu missingersuutininut sunniuteqassanngillat.

Allannguutissatut siunnersuutit aqutigalugit Naalakkersuisoqarfiup ataani kontot pingaarnernit arlallit ataatsimoortinneqarput. Tamanna namminermi naammagisimaarnartutut ataatsimiititaliamit isigineqarpoq. Nunatta nunanit allanit ilisimaneqarnerulernissaanut periusissamut aningaasaliissutit nunami inuussutissarsiutinut takornariartitsinermullu tapiissutit ataanni aningaasaliissutinut ilanngunneqartut ataatsimiititaliap maluginiarpa. Tassunga atatillugu nunatta nunanit allanit ilisimaneqarnerulernissaannut suliniutit tapersorsorini ataatsimiititaliap oqaatigissavaa. Taamaalillunilu suliniut annertooujussarmik naleqartutut ataatsimiititaliamit isigineqarpoq, taamaattumillu aningaasat siunniunneqartumit annertunerusut suliniummut qulakkeerunneqarnissaat Naalakkersuisunit anguniarneqassasoq ataatsimiititaliamit assut neriuutigineqarpoq. Tassunga atatillugu 2010-mi aningaasanut inatsimmi aningaasaliissutinut saniullugu aningaasanut inatsisissatut siunnersuutip suliarineqarnerani Kalaallit Nunaata nunanit allanit ilisimaneqarnerulernissaanut aningaasaliissutit 50 procent sinnerlugu ikilineqarsimasut ataatsimiititaliamit ilisimaneqarpoq. Taamaattumillu Kalaallit Nunaata nunanit allanit ilisimaneqarnerulernissaanut suliniutit kontomi pingaarnermi aningaasartuutit sinnerisa akornannut tammaannartinneqassanngitsut ataatsimiititaliamit assut pingaartinneqarpoq.

Sammisag 23-p ataani allannguutissatut siunnersuutit nr. 251-mit 254-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.12 Sammisag 24 – Suleriaaseq pillugu Ataatsimiititaliamit allannguutissatut siunnersuutit

UKA 10/79-imik, Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisissaattut nr. xx, dd. mm. 2010-meersussatut siunnersuummik Inatsisartut akuersissutiginninnerat tunngavigalugu Suleriaaseq pillugu Ataatsimiititaliaq allannguutissatut siunnersuutinik marlunnik saqqummiussivoq.

Tamatuma saniatigut Inatsisartunut aningaasaliissutit ikilineqarnissaannut allannguutissatut siunnersuummik ataatsimik Suleriaaseq pillugu Ataatsimiititaliaq saqqummiussivoq.

Allannguutissatut siunnersuutit taakku IST-ip ataatsimut inerneranut 2011-mi 1 mio. kr.-inik pitsanngoriaataassapput.

Allannguutissatut siunnersuutit Inatsisartut suliassa qarfiannut 01-mut tunngammata Aningaasaqarnermut Ataatsimiititaliamit inassuteqarfigineqanngillat.

Ilanngussag N innersuussutigineqarpoq.

Sammisag 24-p ataani allannguutissatut siunnersuutit nr. 271-imit 273-imut **akuerineqassasut** Suleriaaseq pillugu Ataatsimiititaliamit **inassutigineqarpoq**.

3.13 Sammisag 25 – Aningaasaqarnermut Ataatsimiititaliamit allannguutissatut siunnersuutit

Qulequttami tassani allannguutissatut siunnersuummik ataatsimik Aningaasaqarnermut Ataatsimiititaliaq saqqummiussivoq. Allannguutissatut siunnersuut taanna ataatsimut isigalugu missingersuutitut sunniuteqassanngilaq.

Allannguutissatut siunnersuut aqqutigalugu allannguutissatut siunnersuummi nr. 247-mi oqaasertat allanngortinneqarnissaat qinnutigineqarpoq, taamaalilluni ilaatigut Narsarsuarmi mittarfimmuut taarsiullugu Qaqortumi mittarfiliornissaq allaqqajunnaassalluni. Aamma Assartuinermut Isumalioqatigiissitat isumaliutissiissutissaat innersuussutigineqarpoq.

Ilanngussaq O innersuussutigineqarpoq.

Sammisag 25-p ataani allannguutissatut siunnersuut nr. 274 **akuerineqassasoq** Aningaasaqarnermut Ataatsimiititaliamit **inassutigineqarpoq**.

4. Oqaasertaliussanut allannguutissatut siunnersuutit

4.1 Naalakkersuisut oqaasertaliussanut allannguutissatut siunnersuutaat

Oqaasertaliussat nutaat katillugit 16-it Naalakkersuisut siunnersuutigaat. Allannguutissatut siunnersuutit taakku 255-imit 270-imut normoqarput.

Allannguutissatut siunnersuutit taakku ilassutitut isumaliutissiissummi ilanngussaq M-tut ilanngunneqarput.

Suliassaqarfik 80-89 Sanaartugassanut iluarsaanermullu tunngasut

Suliassaqarfimmi tassani oqaasertaliussat nutaat 11-nit ikinnerunngitsut Naalakkersuisut siunnersuutigaat. Pineqartut tassaapput malittarisassat Illuut A/S-ip ingerlatsineranik malittarisassiisut. Oqaasertaliussat taakku aappassaaneerinemili saqqummiunneqarsimasariaqartut Aningaasaqarnermut Ataatsimiititaliaq isumaqarpoq. Taamaalillunilu aningaasanut inatsimmik suliarinninnermi taama kingusitsigisukkut suliniutinik taama annertutigisunik siunnersuuteqarneq naapertuutinnngilaq. Oqaasertaliussassatut nutaatut siunnersuutigineqartut Illuut A/S-ip ingerlatsinera pillugu Inatsisartut inatsisissaannik sulit suliaqartoqannginnerata eqqaasitsissutiginiissaanut ataatsimiititaliaq tunngavissippaat. Tamanna naapertuutinnngilluinnarpoq suliassarlu taanna piffissap imaalinerani naammassineqareersimasariaqaralarpoq. Taamaattumillu oqaasertaliussat taakku assingi 2012-imi aningaasanut inatsisissatut siunnersuummut atatillugu akuersissutigineqarnissaat naatsorsutigineqarsinnaanngimmat ataatsimiititaliamit erseqqissarneqassaaq. Inatsisartut inatsisannik Illuut A/S-ip ingerlatsineranik maleruagassiisumik suliaqarneq Naalakkersuisut siuartissagaat ataatsimiititaliap siorna kaammattuutigaa. Inatsimmi tassani ilaatigut ersarilluinnartumik nassuiaatigineqassaaq aalajangiinernik ingerlatsineranut tunngasunik ingerlatseqatigiiffik qanoq annertutigisumik aalajangiissanersoq.

(Allannguutissatut siunnersuut nr. 269)

Oqaasertaliussanut allannguutissatut siunnersuutit nr. 255-imit 270-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

5. Aningaasaqarnermut Ataatsimiititaliap kaammattuutai

Kaammattuut nr. 7

Inatsisartut inatsisaannik suliarinnineq Naalakkersuisunit nukingjunneqaqqullugu Aningaasaqarnermut Ataatsimiititaliamit **kaammattuutigineqarpoq**, tassani aalajangersakkat Illuut A/S-ip pilerinneqarneranut atuunneranullu maleruagassiisut ilanngunneqassallutik. Oqasertaliussat sanaartornermut suliaasaqarfimmi ingerlatanut ullumikkut maleruagassiisut sapinngisamik amerlanerpaat inatsimmut tassunga ilanngunneqartariaqarput. Naalakkersuisut kingusinnerpaamik UKA 11-mi inatsisissatut siunnersuummik Inatsisartunut saqqummiussinissaat ataatsimiititaliamit naatsorsuutigineqarpoq.

6. Allanguutissatut siunnersuutit aningaasatigut kingunissaat

Pingajussaaneerinissamut allanguutissatut siunnersuutit aningaasatigut kingunissaat takussutissiami matuma kinguliani allassimapput.

Pingajussaaneerinissamut allanguutissatut siunnersuutit	AIS 2011	M 2012	M 2013	M 2014
		(Mio. kr.)	(Mio. kr.)	(Mio. kr.)
IST – aappassaaneerineq	268.298.000	255,4	146,8	-25,5
IS – aappassaaneerineq	55.158.000	31,1	1,3	-9,5
IST – allanguutissatut siunnersuutitigut allanguut	-67.950.000	-44,8	-17,1	-20,8
IST nutaaq	200.348.000	210,6	129,8	-46,3
IS nutaaq	-12.792.000	-13,6	-15,7	-30,3

Allanguutissatut siunnersuutit tamarmik akuersissutigineqarpata Nunatta Karsiata 2011-mi inernera tassaassaaq **IST-mi 200,4 mio. kr.-inik amigartoorneq** aammalu **IS-imi 12,8 mio. kr.-inik sinneqartoorneq**.

7. Aningaasaqarnermut Ataatsimiititaliamit inassuteqaatit

Sammissaq 13-ip ataani allanguutissatut siunnersuutit nr. 211-mit 217-imut **akuerineqassasut** Aningaasaqarnermut Ataatsimiititaliap **inassutigaa**.

Sammissaq 14-ip ataani allanguutissatut siunnersuutit nr. 218-imi 223-mut **akuerineqassasut** Aningaasaqarnermut Ataatsimiititaliap **inassutigaa**.

Sammissaq 15-ip ataani allanguutissatut siunnersuutit nr. 224-mit 225-mut **akuerineqassasut** Aningaasaqarnermut Ataatsimiititaliap **inassutigaa**.

Sammissaq 16-ip ataani allanguutissatut siunnersuutit nr. 226-mit 231-mut **akuerineqassasut** Aningaasaqarnermut Ataatsimiititaliap **inassutigaa**.

Sammissaq 17-ip ataani allanguutissatut siunnersuutit nr. 232-mit 234-mut **akuerineqassasut** Aningaasaqarnermut Ataatsimiititaliap **inassutigaa**.

Sammissaq 18-ip ataani allannguutissatut siunnersuutit nr. 235-imit 236-mut **akuerineqassasut** Aningaasaqarnermut Ataatsimiititaliap **inassutigaa**.

Sammissaq 19-ip ataani allannguutissatut siunnersuutit nr. 27-mit 241-mut **akuerineqassasut** Aningaasaqarnermut Ataatsimiititaliap **inassutigaa**.

Sammissaq 20-p ataani allannguutissatut siunnersuutit nr. 242-mit 246-mut **akuerineqassasut** Aningaasaqarnermut Ataatsimiititaliap **inassutigaa**.

Aningaasaqarnermut Ataatsimiititaliap allannguutissatut siunnersuutaa nr. 274 **akuerineqassasoq** Aningaasaqarnermut Ataatsimiititaliamit **inassutigineqarpoq**. Tamatuma kingorna allannguutissatut siunnersuutip akuersissutigineqarnerata kingorna iluserilikkamisut iluseqarluni allannguutissatut siunnersuut nr. 247 **akuerineqassasoq** ataatsimiititaliamit inassutigineqarpoq.

Sammissaq 21-p ataani allannguutissatut siunnersuut nr. 248 akuerineqassasoq Aningaasaqarnermut Ataatsimiititaliami amerlanerussuteqartut Inuit Ataqatigiinneersut Demokraatineersullu **inassutigaa**.

Sammissaq 21-p ataani allannguutissatut siunnersuut nr. 248 itigartinneqassasoq Aningaasaqarnermut Ataatsimiititaliami ikinnerussuteqartut Siumumeersut **inassutigaa**.

Sammissaq 22-p ataani allannguutissatut siunnersuutit nr. 249-mit 250-imut **akuerineqassasut** Aningaasaqarnermut Ataatsimiititaliap **inassutigaa**.

Sammissaq 23-p ataani allannguutissatut siunnersuutit nr. 251-mit 254-mut **akuerineqassasut** Aningaasaqarnermut Ataatsimiititaliap **inassutigaa**.

Sammissaq 24-p ataani allannguutissatut siunnersuutit nr. 271-mit 273-mut **akuerineqassasut** Suleriaaseq pillugu Ataatsimiititaliap **inassutigaa**.

Sammissaq 25-p ataani allannguutissatut siunnersuut nr. 274 **akuerineqassasoq** Aningaasaqarnermut Ataatsimiititaliap **inassutigaa**.

Oqaasertaliussanut allannguutissatut siunnersuutit nr. 255-imit 270-mut **akuerineqassasut** Aningaasaqarnermut Ataatsimiititaliap **inassutigaa**.

Allannguutissatut siunnersuutit pingajussaaneerinissamut saqqummiunneqartut Inatsisartunit taasisutigineqareerneranni inatsisissatut siunnersuut iluserilikkamisut iluseqarluni **akuersissutigineqassasoq** Aningaasaqarnermut Ataatsimiititaliami **amerlanerussuteqartut** Inuit Ataqatigiit Demokraatillu ilaasortaataasa **inassutigaa**.

Inatsisissatut siunnersuut tamarmiusoq itigartinneqassasoq Aningaasaqarnermut Ataatsimiititaliami ikinnerussuteqartut Siumup ilaasortaataasa **inassutigaa**.

Taama oqaaseqarluni aningaasanut inatsisissatut siunnersuut Aningaasaqarnermut Ataatsimiititaliap Inatsisartunut pingajussaaniigassanngortippaa.

_____ Niels Thomsen	_____ Naaja Nathanielsen, siulittaasoq	_____ Per Berthelsen
_____ Aqqaluaq Egede		_____ Finn Karlsen